



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

TSHIVENDA LUAMBO LWA U ENGEDZA LWA U THOMA (FAL)

BAMMBIRI LA U THOMA (P1)

2021

MARAGA: 80

TSHIFHINGA: AWARA 2

Tsumbandila iyi ya u maka i na masiatari a 12.

NDAELA NA MAFHUNGOTHANGELI

1. Bammbiri ili li na KHETHEKANYO THARU:

KHETHEKANYO YA A:	Tholokanyondivho	(30)
KHETHEKANYO YA B:	Manweledzo/Samari	(10)
KHETHEKANYO YA C:	Luambo	(40)
2. Fhindulani mbudziso DZOTHE.
3. Thomani khethekanyo INWE na INWE kha siatari LISWA.
4. Hune khethekanyo INWE na INWE ya fhelela hone ni talele.
5. Nomborani phindulo dzañu zwi tshi anana na kunomborelw kwa mbudziso.
6. Ni tshi fhedza u fhindula mbudziso, ni pfuke mutala ni kone u ya kha i tevhelaho.
7. Ni dzhiele nzhele zwiga zwa u vhala, mupeleto, tswayo na khethekanyo ya maipfi.
8. Ni eletshedzwa lwa tshothe uri ni shumise ndangatshifhinga iyi yo anganywaho:

KHETHEKANYO YA A:	Henefha kha minetse ya 50
KHETHEKANYO YA B:	Henefha kha minetse ya 20
KHETHEKANYO YA C:	Henefha kha minetse ya 50
9. Nwalani zwi no vhalea, nahone nga vhudele.

KHETHEKANYO YA A: THOLOKANYONDIVHO**MBUDZISO 1: PHUROSA**

Vhalani mafhundo a tevhelaho uri ni do kona u fhindula mbudziso dzo disendekaho khao.

TSHIBVELEDZWA TSHA A**U KHAUWA HA MU^{DA}GASI NGA TSHIFHINGA TSHA MULINGO**

- 1 U khauwa ha mu^{da}gasi zwe todou ntshinyela vhumatshelo hanga. Ndi musi ndi kha ndugiselo dza mulingo wa matiriki ngauri ndi wone u dzhielwaho nth^a kha pfunzo. Ndi wone u vulaho dzindila dza mabudo othe. 10
- 2 Nga dzi 19 Shundunthule a tho ngo dzi bonya ndi tshi khou dzudzanyela bammbiri la u thoma la theroy a Divhazwakale. Ndo vha ndo kuvhanganya mabammbiri a milingo yo fhiraho ndi tshi khou vhala ngao. Ndo vha ndo tou fombe kha u vhala. 15
- 3 Ndi vhukati nadzo bugu, mu^{da}gasi wa mbo di khauwa. Ndo pfa ndo hanganea ngauri na khandela ndo vha ndi si na. Ndo wana zwe nkela matari. Ndo lingedza u isa phanda na u vhala nga u shumisa luvhone lwa founu ye na yone ya vho fhela betiri, ya dzima. Ngoho ndo wana zwe nndangana hu tshi nga hu na zwiⁱwe ngeno hu si na. 20
- 4 U vhona nyimele yo tou rali, ndo mbo didzhena nguvhoni nga mbiti. Khofhe dze ndi bva vhubvo. Ndo lala ndi tshi shanavhi^a nga u tshuwa uri ndi do riwala mini nga li tevhelaho sa izwi ndo vha ndi sa athu fhedza u dzudzanyela bammbiri ilo. 25
- 5 Lo ri li tshi tou mbala, nda tou zwi pfela khofheni mme anga vha tshi khou vhidzelela vha tshi ri: 'Nyadzani no no vuwa?' Ndo vuwa nda dilugisela u ya tshikoloni. Ndo vha ndi tshi khou ya u riwala bammbiri la nga matsheloni. Ndo do tamba nda la vhuragane he na u dzhena ha vha vhu sa dzheni vhunga muhumbulo wo vha u kha mulingo. Nda dzhia zwe^othe zwi todeaho muthu a tshi riwala mulingo nda lela muri gwalani. 30
- 6 Yo ri i tshi ri iri ya vhurathi nga matsheloni nda vha ndi tshi swika vhuimathekhisi uri ndi namele ndi ye tshikoloni tsha Mphaphuli he nda vha ndi tshi dzhena hone. Thekhisi dzo vha dzi khou fhira dzo dala. Ho no fhela minetse dza fumi, ndo mbo di wana thekhisi nda namela. Tshikolo tsho vha tshi vhukule ha khilomithara dza malo u bva ha hashu. 35

- 7 Musi ndi ngomu nda wana vhuendi ho tsitsikana nge roboto dza vha dzi sa shumi zwe vhangwa nga u khauwa ha mudagasi. Yo vha i tshi tou vha 30 tsetsetse ya dzigoloi badani lune na u tshimbila nga milenzhe zwe vha zwi khwiñe.
- 8 U sa shuma ha robotho zwe tou phapha mbulu nthā ha iñwe. Ndo pfa ndo hanganea nga nyimele iyi. Ndo vha ndi tshi tama na u mela phapha nda fhufha nda tavhanya u swika tshikoloni. Vhalangavhuendi vho swika 35 i tshi khou ya kha iri ya vhutahe ngeno mulingo u tshi thoma nga iri ya vhutahe. Vho thusa vhukuma kha u fhelisa u tsitsikana ha vhuendi.
- 9 Ndo swika tshikoloni vhaiñwe vho no thoma u ñwala mulingo. U dāda na u tshuwa zwa vha zwe tou vhuya tshoñhe. Biko lo vha li tshi tou elela sa madi. Mugudisi we a vha e nn̄da, o nthusa nga u mpha madi a u nwa na 40 labi la u phumula biko. Ndo nō dzika nda dzhena hune ha khou ñwalelwa hone mulingo, vha mpha mabammbiri nda thoma u ñwala.
- 10 Ndo ri ndi tshi khou ñwala khofhe na maneto zwa ntswikela. Ndo lingedza u dikhwathisa. Nda humbelu u bvela nn̄da u ya bungani ndivho hu u todou rwiwa nga muya. Ngoho ndo dzivhuluwa nda isa phanda na u 45 ñwala u swika ndi tshi fhedza.
- 11 Ro fhedza u ñwala nga iri ya vhufumi na vhuvhili. Bammbiri lo vha li sa kondi naho ndo vha ndi songo vhala lu fushaho nga nthani ha u khauwa ha mudagasi.
- 12 Ndo pfa ndo takala musi mulingo woñhe u tshi fhela hu songo tsha vha na 50 u khauwa ha mudagasi. Mvelelo dzi tshi bva ndo wana ndo phasa. Ndo fhufha nda nga ndi sa ñanzwa makole. Muvhuso kha u lwe na nyimele iyi.

[Zwi bva kha thimu ya vhalingi]

- 1.1 Ndi nnyi we u khauwa ha mudagasi zwa todou mu tshinyela vhumatshelo? (1)
- 1.2 Muñwali o vha a khou ita mini musi mudagasi u tshi khauwa? (1)
- 1.3 Thaidzo ye a tangana nayo o i tandulula nga ndila-de? (2)
- 1.4 Ndi zwifhio zwi sumbedzaho uri muñwali vhusiku a ho ngo mudifhela? (2)
- 1.5 Bulani ndungiselo MBILI dze muñwali a ita a sa athu u ya tshikoloni. (2)
- 1.6 Lifurase lo swifhadzwaho kha phara ya 5 li amba mini? (2)

1.7 Masiandaitwa e a vha a tshi nga bvelela kha muñwali arali vhalangavhuendi vho lenga u swika ndi afhio? (2)

1.8 Ndado yo bvelelaho kha muñwali i ri gudisa mini vhutshiloni? (2)

1.9 Nangani phindulo yo teaho kha mutevhe wo nekedzwaho.

Muñwali o swikelwa nga ... musi a tshi khou ñwala mulingo.

- A khofhe na maneto
 - B u tshuwa na khofhe
 - C maneto na u dada
 - D mbiti na khofhe
- (1)

1.10 Muhumbulo muhulwane wo faredzwaho nga phara ya 11 ndi ufhio? (2)

1.11 Vhudipfi ha muñwali musi mafhungo a tshi fhela ndi vhufhio? Tikedzani. (2)

1.12 No sedza mafhungo othe, muñwali o bvukululwa sa muthu-de? (2)

1.13 Inwi ni vhona u khauwa ha muñdagasi zwi tshi khakhisa kutshilele kwa vhatu? Tikedzani phindulo yanu nga mbuno tharu. (3)

Talelani tshifanyiso uri ni do kona u fhindula mbudziso dzi no tevhela.

TSHIBVELEDZWA TSHA B: TSHIFANYISO



[www.black and white images]

- 1.14 Bulani mushumo wa watshi i re afho kha tshifanyiso itshi. (2)
- 1.15 Ndi tshini tshi no khwathisedza uri ndi kale zwa u bika zwo thoma afho kha tshifanyiso? (2)
- 1.16 Ndi dzifhio nyeletshedzo dzine na nga nea mubiki malugana na tsireledzo yawe musi a tshi khou bika? (2)

THANGANYELO YA KHETHEKANYO YA A: 30

KHETHEKANYO YA B: MANWELEDZO/SAMARI**MBUDZISO 2**

Vhalani mafhungo a (TSHIBVELEDZWA TSHA C) afho fhasi ni kone u riwala mbuno dza SUMBE nga ha ndila dzine vhaswa vha nga disikela mishumo ngadzo.

NDAELA:

1. Nwalani mbuno dza SUMBE dzi kha mafhungo a pfalaho, nga ha ndila dzine vhaswa vha nga disikela mishumo ngadzo.
2. Tshivhalo tsha maipfi TSHI SONGO PADÀ 70.
3. Nomborani mafhungo anu u bva kha 1 u ya kha 7.
4. Nwalani mbuno NTHIHÌ kha fhungo linwe na linwe.
5. Shumisani maipfi ANU.
6. Sumbedzani tshivhalo tsha maipfi e na a shumisa e zwitangeni mafheloni a manweledzo/samari yanu.

TSHIBVELEDZWA TSHA C**NDILA DZINE VHASWA VHA NGA DISIKELA MISHUMO NGADZO**

Vhaswa vho livhana na khaedu dza thahelo ya mishumo ine vha nga i tandulula nga ndila dzi tevhelaho.

Vhaswa kha vha didzhenise kha zwa vhulimi. Vha lime zwiliwa vha tshi rengisa uri vha wane tshelede.

U luka mavhudzi na u a gera ndi miñwe mishumo ine ya nga vha thusa. Namusi vhatu vha tama zwitaela zwo fhambanaho zwa mavhudzi.

Vhaswa kha vha ite zwa vhufuwi. Musi zwo no hula vha rengise vha wane tshelede i si na vhukono.

U baga zwikontsi a zwi lemeli nahone zwi a tjavanya. Arali vhaswa vha baga zwikontsi vha nga kona u rengisa vha wana tshelede vhusiwana ha fhela.

Zwinepe zwi sia zwiga miñani. Vhaswa vha nga wana fhethu ho nakaho vha thoma u foda zwifanyiso. Vhaswa vha shumisa mitshini ya u tanzwela henefho vha wana tshelede.

U bika zwiliwa zwi nga thusa vhaswa kha u disikela mishumo. U bika zwiliwa zwi dzhenisa tshelede sa miswaswo. Vhane vha khou rengisa vha khou ita tshelede sa miswaswo.

Vhaswa vha nga ḫanzwa goloi hu inewe ndila ya u ḫisikela mishumo. Vha nga kuvhanganya masheleni manzhi ane a nga vha thusa.

Arali vhaswa vha shumisa ndila idzi na dziñwe dzi songo buliwaho, ḫahelelo ya mishumo kha vhaswa i nga fhungudzea.

[Zwi bva kha vhalingi]

THANGANYELO YA KHETHEKANYO YA B: 10


KHETHEKANYO YA C: ZWIVHUMBEO NA MILAYO YA KUSHUMISELE KWA LUAMBO

MBUDZISO 3: KHUNGEDZELO

Talelani khungedzelo uri ni do kona u fhindula mbudziso dici no tevhela.

TSHIBVELEDZWA TSHA D

**KHA VHA NETSHEDZE MALOFHA
VHA TSHIDZE VHATHU!**
Malofha mpho ya ndeme.



Hu do vha hu tshi khou dzhiwi malofha nga dici 20 Fulwi 2021. Fhethu ndi kiliniki ya Thengwe tsini na vhuimabisi u bva nga iri ya malo u swika li tshi thabama. Malofha avho ndi vhutshilo ha muriwe. **Malofha avho a nula muriwe dindini la lufu.**

Vhafumi vha u thoma vha do wana zwikhipha zwo riwalwaho mulaedza wa u netshedza malofha. Mafhungo nga vhuvalo vha nga kwama.

Itani kha nomboro hedzi: 078 223 3174.

[www.black and white images]

- 3.1 Bulani dzina la tshiga tsha u vhala tshi re kha khephusheni. (1)
- 3.2 Khungedzelo iyi yo livhiswa kha tshigwada tshifhio? Tikedzani. (2)
- 3.3 Ndeme ya fhungo lo swifhadzwaho afho nthia ndi ifhio? (2)

3.4 Nangani phindulo yone yone kha mutevhe wo nekedzwaho:
Mushumo wa u netshedza malofha u do thoma nga iri ya ...

- A rathi.
- B malo.
- C fumi.
- D fumimbili.

(1)

3.5 Ndivho ya khungedzelo iyi ndi ifhio? (2)

3.6 Inwi ni vhona zwi zwifhio zwine zwa nga itwa uri tshitshavha tshi dzhiele ntha ndeme ya u netshedza malofha? (2)

[10]

MBUDZISO 4: KHATHUNI


Talelani khathuni uri ni do kona u fhindula mbudziso dzi no tevhela.

TSHIBVELEDZWA TSHA E

FUREME 1

FUREME 2

FUREME 3



- 4.1 Bulani vhushaka vhu re hone vhukati ha vhatu vha re kha khathuni iyi. (2)
- 4.2 Avha vhatu vha khou amba vhe ngafhi? Tikedzani. (2)
- 4.3 Ndi nnyi o khakhaho kha khathuni iyi? Tikedzani. (2)
- 4.4 Ndi ngani mme vho tharamudza zwanda kha fureme 2? (2)
- 4.5 No lavhelesa khathuni iyi, ndi zwifhio zwe na guda? (2)

[10]

MBUDZISO 5: PHUROSA

- 5.1 Vhalani mafhungo a tevhelaho uri ni do kona u fhindula mbudziso dzo disendekaho khao.

TSHIBVELEDZWA TSHA F: PHUROSA

1	U tambudzwa ha vhana hu khou <u>nāna</u> ano ma <u>duvha</u> . Muvhuso u khou lingedza u tsivhudza vhatu fhedzi zwi nga u shela madi ntha ha tombo.	
2	Vhana vha tambudzwaho vha vhonala nga u shanduka matshilele avho. U wana vha si tsha tampa na vhaiwe. Vha ofha vhatu . Arali e <u>nwana wa tshikolo</u> , maraga dzawe dzi a tsa. Vhaiwe vha fhedza vho litsha na tshikolo. Ha vha u tshinyala ha vhumatshelo hawe.	5
3	Vhaiwe vha thoma u ita zwa dzinndwa na vhaiwe, u shumisa zwidzidzivhadzi na u <u>pāta</u> mahaya nga mulandu wa u tambudzwa. <u>Vhunzhi havho vha fhedza vho dzhia matshilo avho</u> .	10
4	Iyi ndi thaidzo i sa takuwi ine rine sa vhadzulapo ri tea u farisana kha u i tandulula. Ra ita mutingati hu si na a latedzaho vhaiwe. Vhavenda iteli vha tshi ri munwe muthihi a u <u>tusi</u> mathuthu. Zwa sa ralo tshilonda itshi tshi <u>do</u> endeleta ra sala ri si na vharangaphanda vha matshelo.	15

- 5.1.1 Kha phara 1 topolani libulazwithihi la ipfi: Shengedzwa. (1)
- 5.1.2 Kha phara 1 hu na dzina lo vhubiwoho li tshi bva kha inwe thinwaipfi. Li topoleni ni dovhe ni bule na thinwaipfi yeneyo. (2)
- 5.1.3 Kha phara 2 topolani liiti litaluli ni li shumise u vhuba fhungo li pfalaho le na tou disikela. (2)
- 5.1.4 Isani fhungo lo swifhadzwaho kha khanedza. (2)
- 5.1.5 Nwalani fhungo lo talwaho nga fhasi kha phara 3 li kha tshifhinga tshi daho. (2)
- 5.1.6 Ipfi lo swifhadzwaho kha phara 3 ndi thinwaipfi ifhio? (2)
- 5.1.7 Ipfi farisana kha phara ya 4 ndi:
- A Liitisa
 - B Liitesa
 - C Liitea
 - D Liitana
- (1)
- 5.1.8 Talutshedzani murero u wanalaho kha phara 4. (2)

- 5.2 Talelani tshifanyiso, ni vhale na mafhungo o disendekaho khatsho, ni kone u fhindula mbudziso dzi no tevhela.

TSHIBVELEDZWA TSHA G: TSHIFANYISO



Hu na vhañwe vhatu vhané vha džiela vhaholefhali fhasi. Vha hangwa uri vhaholefhali na vhone ndi vhatu. Vhaholefhali vho funzea vhothe. Vhañwe vha vhaholefhali vho talifha u fhira na vhatu vha songo holefhalaho. Vhatu kha ri tutshele kule na u nyadza vhaholefhali u bva ñamusi.

[\[www.black and white images\]](http://www.blackandwhiteimages.net)

- 5.2.1 Topolani lidadzisi la tshifhinga mafhungoni ayo ni vhumbe fhungo ngalo. (2)
- 5.2.2 Vhumbani homonimi nga ipfi: Fhira. (2)
- 5.2.3 Ndi ngafhi he muñwali a dzhia sia mafhungoni e na vhala? (2)
[20]

**THANGANYELO YA KHETHEKANYO YA C:
MARAGAGUTE:**

40
80